

元和郡縣志卷二十七

唐 李吉甫 撰

江南道 一

越州 會稽都督府

開元戶二十萬七千六百四十五 元和戶二萬六千八百八十五 鄉一百四十五

今為浙東觀察使理所 管越州婺州衢州處州溫州台州明州衢州管縣三十

七 都管戶一十萬四千三百六十七

禹貢揚州之域春秋時為越周禮吳越星紀之分夏少康封少子無餘以奉禹祀號曰於越越國之稱始于茲

元和郡縣志 卷二十七 一

矣後代句踐稱王與吳王闔閭戰敗之檣 音醉 李故城在

縣南三十里 夫差立句踐復伐吳滅之并其地遂渡淮遷都

琅邪朝貢周周錫命為伯至六代王無疆為楚所滅秦

以其地并吳立為曾稽郡後漢順帝時陽羨令周喜上

書以吳越二國周旋一萬一千里以浙江山川險絕求

得分置遂分浙江以西為吳郡東為會稽郡自晉至陳

又於此置東揚州隋平陳改東揚州為吳州大業元年

改為越州武德四年討平李子通置越州總管六年陷

輔公祐七年平輔公祐改總管為都督

州境
東北三百六十里
西北三百六十里

八到
西北至上都二千五百七十里
東北至上都二千五百七十里

東南至明台州二百七十五里
東南至台州四百七十五里

西南至婺州三百九十里
西南至杭州一百四十里

貢賦
開元貢
紵布
甘蔗
葛根
石密
交梭

自貞元以後凡貢之外別進異文吳綾及花鼓前
單絲吳紗朱九紗等織麗之凡物十品案前

此惟州蘇州澤州懷州襄州唐州兼州隨州房州和利州又鳳
州常州蘇州杭州湖州襄州陸州兼州隨州房州和利州又鳳

惟潤州與此越州杜佑通典所以後進奉其他府州
僅載開元貢稽之杜佑通典所以後進奉其他府州

郡常貢名目亦不盡同當是傳寫既多缺佚復
有舛訛今參校各本不同異悉仍其舊附識于此

元和郡縣志 卷二十七 二

管縣七

會稽 山陰 諸暨 餘姚 蕭山 上虞

剡

會稽縣 望郭下

山陰越之前故靈文國也秦立以為會稽山陰漢初為

都尉隋平陳改山陰為曾稽縣皇朝因之吳越春秋云

禹巡行天下會計修國之道因以會計名山仍為地號

宋略云會稽山陰編戶三萬號為天下繁劇

重山大夫種葬處

會稽山在州東南二十里

蘭亭山在州西南一十一里

大海在州東四十里

鏡湖後漢永和五年太守馮臻創立在會稽山陰兩縣
界築塘蓄水水高丈餘田又高海丈餘若水少則洩湖
灌田如水多則閉湖洩田中水入海所以無凶年隄塘
周迴三百一十里溉田九千頃

山陰縣望

山陰縣秦舊地也隋改爲會稽垂拱二年又割會稽西

元和郡縣志

卷二十七道光十年修

三

界別置山陰大歷二年刺史薛兼訓奏省山陰併會稽
七年刺史劉少游又奏置今復併入會稽案傳寫各本
以此五十八

字錯置前以會計名山仍爲地號之下而別標同
會稽三字于此今就文義參合各縣敘例移正

諸暨縣望東北至州一百四十四里

秦舊縣也界有暨浦諸山因以爲名越王允常所居

烏帶山在縣北五十里出紫石英

餘姚縣緊西北至州一百四十五里

本漢舊縣舜後支庶所封之地舜姚姓故曰餘姚隋平
陳廢武德四年復立仍置姚州七年廢州

四明山在縣西一百五十里

大海在縣北三十里

蕭山縣緊東北至州一百里

本曰餘暨吳王弟夫槩邑吳大帝改曰蕭山以縣西一里蕭山為名

浙江在縣西二十五里

浦陽江在縣南一十五里

上虞縣上西至州九十六里

故城西枕上虞江案上虞本漢舊縣此未詳隋平陳廢貞元元年刺

元和郡縣志

卷二十七道光十年修

四

史王密復奏置

上虞江在今縣西二十八里北流

剡縣望西北至州一百八十五里

漢舊縣故城在今縣理西南一十二里吳智高為令移理今所隋末陷于李子通武德中以縣為嵯州六年廢州縣依舊

天姥山在縣南八里

剡溪出縣西南北流入上虞縣界為上虞江

婺州東陽上

開元戶九萬九千四百九十九
元和戶四萬八千三十六
鄉一百九十八
鄉二百

禹貢揚州之域春秋時為越之西界秦屬會稽郡今之州界分得會稽郡之烏傷太末二縣之地本會稽西部嘗置都尉孫皓始分會稽置東陽郡陳武帝置縉州隋開皇九年平陳置婺州蓋取其地干天文為婺女之分野隋氏喪亂陷于寇境武德四年討平李子通置婺州六年輔公祐叛州又陷沒七年平定公祐仍置婺州

州境東三百三十三里
南四百五十六里
西三百三十三里
北三百三十三里

八到西北至上都三千九百九十五里
西北至東都三千三百九十五里

元和郡縣志

卷二十七 道光十年修

五

西至衢州一百九十里
南至處州二百六十里

正北微西至睦州一百六十里
正北微東至越州三百九十里
水路一百八十里

貢賦

開元貢賦
藤紙
紵布

元和貢賦
織纈
白藤
細紙

管縣七

金華 義烏 永康 東陽 蘭溪 武義

浦陽

金華縣 望郭下

本漢烏傷縣地獻帝初平二年分烏傷置長山縣屬會

稽郡隋平陳改爲吳寧縣十二年又改爲東陽縣十八年又改爲金華縣其長山一名金華故取名焉

東陽江有二源一南自永康縣界流入一東自義烏縣界流入至縣界南合爲一謂之東陽江

金華山在縣北二十里赤松子得道處出龍鬚草

義烏縣

緊西南至州一百五十一里

本秦烏傷縣也孝子顏烏將葬羣烏銜土助之烏口皆傷時以爲純孝所感乃干其處立縣曰烏傷武德四年于縣置綢州縣屬焉又改烏傷爲義烏

元和郡縣志

卷二十七

道光十年修

六

永康縣

望西北至州一百九里

本漢烏傷縣地吳大帝分烏傷之南界置隋廢武德四年于縣置麗州八年廢州縣屬婺州

東陽縣

望西至州一百五十里

本漢烏傷縣地垂拱二年分義烏縣置取舊東陽縣名也

蘭溪縣

緊東南至州五十里

咸通五年割金華縣西界置

蘭溪在縣南七里東北流入東陽江

武義縣 上北至州九十里

天授二年分永康西界以爲武義縣

浦陽縣 上西南至州一百二里

天寶十三年分義烏縣北界置

浦陽江在縣西北四十里出雙溪山嶺東入越州諸暨縣

衢州 信安上

開元戶六萬二千二百八十八 鄉一百二十四
元和戶一萬七千四百二十六 鄉一百七

本舊婺州信安縣也武德四年平李子通于信安縣置

元和郡縣志 卷二十七 七

衢州以州有三衢山因取爲名六年陷輔公祐廢州垂

拱二年復置

州境 南東北西二百一十五里

八到 西北至上都三千九百三十五里

東南至婺州一百九十里

東南至建州七百五十里

貢賦 開元 紵布 紙

元和貢 龍鬚 紙 席 黃連 葛粉 簞 扇

管縣四

信安 常山 龍邱 須江

信安縣 望郭下

本春秋姑蔑之地漢太末縣也獻帝初平三年分太末立新安縣屬會稽郡晉太康元年以弘農有新安故改名信安皇朝置州縣屬焉

常山縣 上東至州八十里

本太末縣地隋初置定陽縣隋末廢咸亨三年于今縣東四十里置常山縣因縣南有常山為名廣德二年本道使薛兼訓奏移置于舊縣西四十里即今縣是

元和郡縣志

卷二十七

八

龍邱縣 緊西至州七十二里

本春秋姑蔑之地越西部也杜注云今東陽太末縣越絕書謂之姑婺州吳大帝赤烏三年改太末為龍邱因縣東龍邱山為名隋末廢貞觀八年又置

須江縣 上北至州九十五里

武德四年置衢州分信安縣南境置須江縣八年竝廢永昌元年秋復置以縣南有須江溪因以為名

盈川縣本漢太末縣地如意元年分龍邱縣置 案唐書地理志

元和七年
省人信安

穀水江在縣東南一里

處州

縉雲上

開元戶三萬三千二百七十八
元和戶一萬九千七百二十六

鄉七十六
鄉三十六

禹貢揚州之域春秋為越國秦滅楚置會稽郡後越王

無諸七代孫閩君搖佐漢有功立為東越王都東甌今

溫州永嘉縣是也後以甌地為回浦縣屬會稽後漢改

回浦為章安晉立為永嘉郡梁陳因之隋開皇九年平

陳改永嘉為處州十二年又改為括州大業三年復改

為永嘉郡武德四年討平李子通復立括州仍置總管

元和郡縣志

卷二十七 道光十年修

九

府七年改為都督府貞觀元年廢府天寶元年為縉雲

郡乾元元年復為括州大歷十四年以與德宗廟諱同

音改處州貞元六年刺史齊抗以舊州湫隘屢有水災

北移四里就高原上

州境

案州境里數傳寫缺

八到

西北至上都四千二百九十五里
西北至上都三千二百九十五里

西北至婺州四百六十里
西北至衢州四百五十里

東北至台州四百七十里
東南水路至溫州二百七十里

東南至建州水路九百里陸路四百九十里

貢賦 開元貢賦 蠟布 蜜 縣

元和貢 絲絹 綿紬 小綾 麻布 樹皮布

管縣六

麗水 松陽 縉雲 遂昌 青田 龍泉

麗水縣 上郭下

本後漢松陽縣地隋平陳乃分松陽縣之東鄉立括蒼縣取括蒼山為名屬處州後因之不改大歷十四年改為麗水麗水本名惡溪以其湍流險阻九十里間五十六瀨名為大惡隋開皇中改為麗水故皇朝因之以為

元和郡縣志 卷二十七 十

縣名

松陽縣 上東至州一百九十二里

本漢回浦縣之地屬會稽後漢分立此縣 案後漢書郡國志但云以

章安縣東甌鄉為縣此云分立松陽當別有所據舊唐書地理志亦云後漢分章安之南鄉置松陽縣與此相

合 有大松樹大十八圍因取為名隋開皇九年廢十二年復置皇朝因之

縉雲縣 上西南至州八十五里

萬歲登封元年分麗水縣東北界婺州永康縣南界置因山為名

縉雲山一名仙都一曰縉雲黃帝鍊丹于此

遂昌縣 上東至州三百四十里

吳赤烏二年分太末縣置平昌縣晉太康元年改爲遂

昌武德八年廢景雲二年刺史孔琮復奏置

青田縣 中西北至州一百五十里

本麗水縣之鄉名也景雲二年刺史孔琮奏于此分置

青田縣

青田溪在縣西南一十八里

龍泉縣 中東至州三百五十里

元和郡縣志 卷二十七 十一

乾元二年越州刺史獨孤峻奏割遂昌松陽二縣置

龍泉洞在縣南二里

温州 永嘉上

開元戶三萬七千五百五十四 鄉七十八
元和戶八千四百八十四 鄉一十六

本漢會稽東部之地初閩君搖有功于漢封爲東甌王

晉太寧中于此置永嘉郡隋廢郡地入處州武德五年

杜伏威歸化于縣理置東嘉州尋廢六年輔公祐爲亂

于丹陽永嘉安固等百姓于華蓋山固守不陷凶黨高

宗上元元年于永嘉縣置温州

州境東北七百里西二百四十里

八到西北至東都四千五百六十五里西至上都三千五百六十五里

東至北海八十里西至處州二百七十里

正北至徽州至陸路相兼一千八百里西南至福州至陸路相兼一千八百里

貢賦開元貢 紵布 鮫魚皮

元和貢 鮫魚皮三十張

管縣四

永嘉 安固 橫陽 樂成

永嘉縣上郭下

元和郡縣志 卷二十七 十二

卽漢回浦縣之東甌鄉晉立爲縣上元二年于此置溫州縣移在州東百八十步

永嘉江一名永寧江在州東三里

華蓋山在州東一里

安固縣上北至州七十七里

本漢回浦縣地後漢改回浦爲章安吳分章安于此立羅陽縣少帝改曰安陽晉太康元年更名安固前上元二年自處州割入溫州

安固山在縣北一里

安固江在縣南一里

橫陽縣

上北至州

本晉太康元年分安固南橫嶼屯置隋平陳廢入安固縣大定元年又分安固縣再置

橫陽山在縣南二百七十里東臨大海

橫陽江在縣南一百里

樂成縣

上北至州一百二十四里

本漢回浦縣地東晉孝武帝分永寧縣置隋廢載初元年復置

元和郡縣志

卷二十七

十三

大海在縣東一十一里

台州

臨海上

開元戶五萬鄉一百一十五
案元和戶鄉數傳寫缺

禹貢揚州之域春秋時爲越地秦并天下置閩中郡漢立南部都尉本秦之回浦鄉分立爲縣楊雄解嘲云東南一尉西北一侯是也後漢改回浦爲章安縣吳大帝時分章安永寧置臨海郡隋平陳廢郡爲臨海縣武德四年討平李子通于臨海縣置海州五年改海州爲台州蓋因天台山爲名六年輔公祐叛州從陷沒七年平

定公祐仍置台州

州境東西南北四百三十九里

八到西北至東都四千五百里

正東至南微東至温州八百里

正西北至南越州處四百九十里

貢賦開元乾薑三百斤

元和貢甲香三十斤 鮫魚皮一百張

管縣五

臨海 唐興 黃巖 樂安 寧海

元和郡縣志 卷二十七 道光十年修 十四

臨海縣 緊郭下

本漢回浦縣地後漢更名章安吳分章安置臨海縣屬會稽武德五年改置台州縣屬焉

臨海江有二水合成一水一自始風溪一自樂安溪至州城西此一十三里合

唐興縣 上東南至州一百一十里

三國時吳分章安置南始平縣晉武帝以雍州有始平改爲始豐肅安上元二年改爲唐興

天台山在縣北一十里

赤城山在縣北六里寔爲東南之名山

黃巖縣

上北至州一百五里

前上元二年割臨海南界置

黃巖山在縣西南二百三十里

大海在縣東七十里

樂安縣

上東至州一百五里

東晉穆帝永和三年分始平南鄉置樂安縣屬臨海郡
歷代因之隋開皇九年廢上元元年復置于孟溪之側
今縣是也

元和郡縣志

卷二十七

十五

樂安溪源出縣西馮溪山流經縣南又東入臨海縣界

寧海縣

上西南至州二百五十里

晉穆帝永和三年分會稽之鄞縣置寧海縣屬臨海郡
隋開皇九年廢郡併八章安縣永昌元年于廢縣東二
十里又置載初元年移就縣東一十里

大海在縣東六里

明州

餘姚上

元開元戶四千八十三
案開元戶鄉數與元和鄉數竝傳寫缺

本會稽之鄞縣及句章縣地也春秋越王句踐平吳徙

夫差于甬東韋昭云卽句章東浹口外洲是也武德四年于縣立鄞州八年廢開元二十六年采訪使齊澣奏分越州之鄞縣置明州以境內四明山爲名句章故城在今州西一里

州境

案元州境里數及開元貢賦竝傳寫缺

八到

西北至上都三千九百四十五里
西北至東都二千九百四十五里
東北至大海七十里
東至越州二百七十里
西至台州臨海縣一百六十里至州二百五十里

貢賦

元和貢

海肘子
紅蝦鮮

橘子
烏蜆骨

紅蝦米

鱻子

元和郡縣志

卷二十七

十六

管縣四

鄞

奉化

慈溪

象山

鄞縣

中郭下

本漢舊縣也屬會稽郡隋平陳省入句章武德八年再置仍移理句章城後屬明州

大海在縣東七十里

翁洲入海二百里卽春秋所謂甬東地也越滅吳請吳

王居甬東吳王曰孤老矣不能事君王乃縊其洲周環

五百里有良田湖水多麋鹿

奉化縣 上北至州六十里

本漢之鄞地開元二十六年采訪使齊澣奏置

赤莧山在今縣東一十里

慈溪縣 上東南至州七十里

本漢鄞縣地開元二十六年齊澣奏置

慈溪在縣南二十二里

大海在縣北六十里

象山縣 中西北至州水陸相兼一百六十里

本漢鄞縣地神龍元年監察御史崔皎奏于甯海縣東

元和郡縣志 卷二十七 十七

界海曲中象山東麓彭姥村置縣東至大海二十里南

至大海三十五里東北至大海四十里正北至大海一

十五里惟西南有陸路接台州甯海

元和郡縣志卷二十七